

i raspodjele javnih prihoda u Federaciji BiH („Službene novine Federacije BiH“, br. 54/20, 55/20isp, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23, 81/23, 23/24, 36/24, 57/24, 80/24, 99/24 i 29/25), i Pravilnika o procedurama za povrat i preknjižavanje pogrešno/više uplaćenih javnih prihoda s jedinstvenog računa trezora Federacije BiH i postupku umanjenja („Službene novine Federacije BiH“, br. 20/18 i 16/20).

III. RAČUNOVODSTVO I NADZOR NAD FINANSIJSKIM PLANOM

Član 21.

JU Služba za zapošljavanje Tuzlanskog kantona obavezna je primjenjivati budžetsko računovodstvo i računovodstvene politike za budžetske korisnike, te voditi pomoćne knjige propisane zakonom.

Priznavanje prihoda i primitaka, te rashoda i izdataka vodi se po načelu modificiranog nastanka događaja.

Prihodi i primici priznaju se u onom periodu kada su mjerljivi i raspoloživi, odnosno kada su uplaćeni na jedinstveni račun JU Služba za zapošljavanje Tuzlanskog kantona.

Rashodi i izdaci priznaju se na osnovu nastanka poslovnog događaja (obaveze) i u izvještajnom periodu na koji se odnose, nezavisno od plaćanja.

Član 22.

Direktor, sekretar, pomoćnici direktora, rukovodioci sektora, koordinator, menadžeri i šefovi odjeljenja su odgovorni za sistem interne kontrole, nadzor i zakonito izvršavanje Finansijskog plana.

Član 23.

Jedinica za internu reviziju JU Služba za zapošljavanje Tuzlanskog kantona, u skladu sa propisima kojim je regulisana interna revizija, u kontinuitetu nezavisno i objektivno prati i ocjenjuje sistem internih kontrola, odvijanje poslovanja, ukazuje na nepravilnosti i neusklađenosti sa zakonskim i drugim propisima te predlaže mjere za njihovo otklanjanje i unapređenje poslovanja JU Služba za zapošljavanje Tuzlanskog kantona.

IV. FINANSIJSKO IZVJEŠTAVANJE

Član 24.

JU Služba za zapošljavanje Tuzlanskog kantona, podnosi periodične i godišnje finansijske izvještaje u skladu sa Pravilnikom o finansijskom izvještavanju i godišnjem obračunu budžeta u Federaciji BiH.

Član 25.

Sektor za finansije i računovodstvo dužan je podnositi Upravnom odboru tromjesečni, polugodišnji, devetomjesečni i godišnji finansijski izvještaj o izvršenju Finansijskog plana, u roku od 30 dana, poslije dostave istih nadležnim institucijama u skladu sa Pravilnikom o finansijskom izvještavanju i godišnjem obračunu budžeta u Federaciji BiH („Službene novine Federacije BiH“, br. 69/14, 14/15, 4/16, 19/18, 3/21 i 97/23).

V. PRELAZNE I ZAVRŠNE ODREDBE

Član 26.

Nakon usvajanja Finansijskog plana JU Služba za zapošljavanje Tuzlanskog kantona za 2026. godinu, a na osnovu člana 2. stav 1. tačka 34. Zakona o budžetima u Federaciji BiH („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19 99/19, 25a/22 i 7/25) direktor JU Služba za zapošljavanje Tuzlanskog kantona će donijeti Operativni plan.

Član 27.

Na sva pitanja koja nisu regulisana ovom odlukom, a tiču se načina izrade, donošenja, izvršavanja Finansijskog plana, zaduživanja, duga, računovodstva, nadzora i revizije Finansijskog plana, primjenjivat će se odredbe važećih zakona i pratećih podzakonskih akata.

Član 28.

U slučaju nepoštivanja ove odluke, primjenjivat će se kaznene odredbe Zakona o budžetima u Federaciji Bosne i Hercegovine.

Član 29.

Ova odluka stupa na snagu danom donošenja, a primjenjuje se nakon što Skupština Tuzlanskog kantona da saglasnost na istu.

BOSNA I HERCEGOVINA
Federacija Bosne i Hercegovine
TUZLANSKI KANTON
JU Služba za zapošljavanje

Predsjednik
Upravnog odbora

Broj: 01/1-04-1-1123-3-3-1/25
Tuzla, 23.10.2025. godine

dr. sci. Vesima Čičkušić,
dipl. žurnalista, v.r.

ZAVOD ZDRAVSTVENOG OSIGURANJA TUZLANSKOG KANTONA

1053

Na osnovu članova 46. 47. i 57. Zakona o zdravstvenom osiguranju („Službene novine Federacije BiH“, br. 30/97, 7/02, 70/08, 48/11, 36/18 i 61/22) i člana 10. Statuta Zavoda zdravstvenog osiguranja Tuzlanskog kantona Tuzla („Službene novine Tuzlanskog kantona“, broj: 4/16) Upravni odbor Zavoda zdravstvenog osiguranja Tuzlanskog kantona, na IX. redovnoj sjednici, održanoj dana 16.12.2025. godine, donosi

PRAVILNIK

o izmjenama Pravilnika o naknadi plaće za vrijeme privremene spriječenosti za rad na teret sredstava Zavoda zdravstvenog osiguranja Tuzlanskog kantona

Član 1.

U članu 9. Pravilnika o naknadi plaće za vrijeme privremene spriječenosti za rad na teret sredstava Zavoda zdravstvenog osiguranja Tuzlanskog kantona („Službene novine Tuzlanskog kantona“, br. 7/22, 19/23 i 8/25) (u daljnjem tekstu: Pravilnik), u stavovima (1) i (2), riječ „dvije“ se brišu.

Član 2.

Član 11. Pravilnika mijenja se i glasi:
„Član 11.

(Ukupan iznos koji se priznaje za povrat)

U povrat isplaćene naknade plaće, ukoliko su ispunjeni svi uslovi propisani Zakonom i ovim Pravilnikom, priznaje se iznos neto naknade koja je obračunata u skladu sa članovima 46. i 47. Zakona i odredbama ovog pravilnika.“

Član 3.

U članu 13. briše se stav (3), a stavovi (4) i (5) postaju stavovi (3) i (4).

Član 4.

Ovaj pravilnik stupa na snagu osmog dana od dana objavljivanja u „Službenim novinama Tuzlanskog kantona“.

Svi zahtjevi za povrat naknade plaće, koji su zaprimljeni prije stupanja na snagu ovog pravilnika, a koji nisu okončani, okončat će se po odredbama propisa koji je bio na snazi u vrijeme podnošenja zahtjeva.

BOSNA I HERCEGOVINA
Federacija Bosne i Hercegovine
TUZLANSKI KANTON
Zavod zdravstvenog osiguranja

Predsjednik
Upravnog odbora

Broj: 01-04-1-1556-5/25
Tuzla, 16.12.2025. godine

dr. Muhamed Osmanović, v.r.

■ ■ ■ ■ ■ ■ ■ ■